

**BOSNA I HERCEGOVINA
AGENCIJA ZA POLICIJSKU PODRŠKU**

**P R A V I L N I K
O VOĐENJU CENTRALNE EVIDENCIJE PODATAKA ZAPOSLENIH U
POLICIJSKIM TIJELIMA BIH**

Sarajevo, juli 2011. godine

Na osnovu člana 16. Zakona o upravi („Službeni glasnik BiH“ broj: 32/02 i 102/09) i člana 24. stav (1) tačka a) i člana 26. stav (2) tačka a) Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine ("Službeni glasnik BiH", broj 36/08), direktor Agencije za policijsku podršku, d o n o s i

P R A V I L N I K

o vođenju centralne evidencije podataka zaposlenih u policijskim tijelima BiH

Član 1. **(Predmet Pravilnika)**

Pravilnikom o vođenju centralne evidencije podataka zaposlenih u policijskim tijelima Bosne i Hercegovine (u daljem tekstu: Pravilnik) utvrđuje se kontrolor centralne evidencije zaposlenih, svrha obrade podataka, nadležnost, sadržaj evidencije, kategorije nosioca podataka, izvor i način prikupljanja, korisnici, smještaj podataka, tehnička obrada podataka, kvalitet podataka, zaštita i pristup podacima.

Član 2. **(Pravni osnov)**

Pravni osnov za uspostavljanje i vođenje centralne evidencije podataka zaposlenih u policijskim tijelima Bosne i Hercegovine utvrđen je u članu 24. stav (1) tačka a) Zakona o direkciji za koordinaciju policijskih tijela i o agencijama za podršku policijskoj strukturi Bosne i Hercegovine („Službeni glasnik BiH“, broj 36/08).

Član 3. **(Definicija)**

- (1) U smislu ovog Pravilnika centralna evidencija podataka zaposlenih u policijskim tijelima BiH je uređena grupa podataka pohranjena na sistematski način tako da računarski program može poslati upit evidenciji podataka na koji ona odgovara.
- (2) Službena evidencija nosi naziv «Centralna evidencija podataka zaposlenih u policijskim tijelima Bosne i Hercegovine» i vodit će se u elektronskoj formi.
- (3) Centralna evidencija podataka zaposlenih u policijskim tijelima Bosne i Hercegovine se uspostavlja na osnovu podataka iz službenih evidencija i drugih evidencija koje na osnovu zakona i drugih propisa vode policijska tijela Bosne i Hercegovine.

Član 4. **(Kontrolor Centralne evidencije podataka zaposlenih u policijskim tijelima BiH)**

- (1) Kontrolor Centralne evidencije podataka zaposlenih u policijskim tijelima Bosne i Hercegovine je Agencija za policijsku podršku.
- (2) Kontrolor Centralne evidencije podataka zaposlenih u policijskim tijelima BiH donijet će plan sigurnosti u vezi pristupnih prava podacima i njihove obrade, određujući nivo unosa i obrade podataka, te korištenja podataka dodjelom odgovarajuće šifre.
- (3) Kontrolor Centralne evidencije podataka zaposlenih u policijskim tijelima BiH odgovoran je za primjenu plana sigurnosti.

Član 5.
(Svrha centralne evidencije podataka)

- (1) Centralnom evidencijom podataka zaposlenih u policijskim tijelima BiH ostvarit će se jedinstven i efikasan način prikupljanja, razvrstavanja, protoka, upravljanja, dostupnosti, blagovremenosti, ažuriranosti, te tačnosti svih relevantnih podataka potrebnih za kvalitetan rad policijskih tijela na nivou Bosne i Hercegovine.
- (2) Uspostavom centralne evidencije podataka zaposlenih u policijskim tijelima BiH omogućit će se jedinstven i efikasan sistem zaštite podataka koji će biti centralizovani na jednom mjestu, olakšan način unosa kao i jednoobraznost podataka policijskih tijela BiH, na način da će se precizno utvrđeni podaci jednom unijeti u jedinstvenu bazu za sva policijska tijela Bosne i Hercegovine. Agencija će ispunjavati svoju svrhu vođenja centralne evidencije tako što će objedinjavati podatke o potrebnim kadrovima u policijskim tijelima i pripremati analize, izvještaje i preglede iz svoje nadležnosti za potrebe državnih organa.

Član 6.
(Sadržaj evidencije)

Centralna evidencija podataka zaposlenih u policijskim tijelima Bosne i Hercegovine sadržavat će sljedeće podatke:

Sistematizacija radnih mjesta

Institucija
Organizaciona jedinica
Odsjek
Naziv radnog mjesta
Opis radnog mjesta
Status zaposlenog
Ovlaštenje
Broj izvršilaca
Vrsta poslova
Opći uslovi radnog mjesta
Posebni uslovi radnog mjesta
Stepen školske spreme
Čin
Koeficijent
Položen stručni ispit

Lični podaci

JMB
Broj dosijea
Radni status
Ime
Prezime
Bračni status
Djevojačko prezime

Ime oca
Ime majke
Djevojačko prezime majke
Datum rođenja
Mjesto rođenja
Općina rođenja
Država rođenja
Državljanstvo
Nacionalnost
Spol
Krvna grupa
Broj lične karte
Vozačka dozvola
Fotografija

Adresa zaposlenog

Ulica prebivališta
Broj prebivališta
Mjesto prebivališta
Poštanski broj prebivališta
Općina prebivališta
Kanton prebivališta
Entitet prebivališta
Država prebivališta
Ulica boravišta
Broj boravišta
Mjesto boravišta
Poštanski broj boravišta
Općina boravišta
Kanton boravišta
Entitet boravišta
Država boravišta

Opći podaci o zaposlenom

Službeni e-mail
Službeni broj telefona
Službeni broj mobitela
Broj ljekarskog uvjerenja
Datum zadnjeg ljekarskog pregleda
Napomena - ljekarsko uvjerenje
Registarski broj radne knjižice
Općina izdavanja radne knjižice
Datum izdavanja radne knjižice
Lični broj osiguranika

Članovi domaćinstva

Član užeg domaćinstva

Ime člana domaćinstva
Prezime člana domaćinstva
Datum rođenja člana domaćinstva
Srodstvo
Osiguran preko zaposlenog
Zaposlen

Stož

Raniji efektivni staž (godina)
Raniji efektivni staž (mjesec)
Raniji efektivni staž (dan)
Raniji beneficirani staž (godina)
Raniji beneficirani staž (mjesec)
Raniji beneficirani staž (dan)
Posebni staž (godina)
Posebni staž (mjesec)
Posebni staž (dan)
Koeficijent uvećanja
Stož u državnim institucijama (godina)
Stož u državnim institucijama (mjesec)
Stož u državnim institucijama (dan)

Obrazovanje

Stepen obrazovanja
Broj bodova
Zvanje
Akademska titula
Naziv obrazovne ustanove
Sjedište obrazovne ustanove (grad)
Sjedište obrazovne ustanove (država)
Datum sticanja diplome

Usavršavanje

Sigurnosne provjere
Strani jezik
Stepen poznavanja jezika
Poznavanje rada na računaru
Stepen poznavanja rada na računaru
Položen javni ispit
Datum polaganja javnog ispita
Položen stručni ispit
Datum polaganja stručnog ispita
Vrsta stručnog ispita
Položen pravosudni ispit

Obuke

Naziv obuke
Tip obuke
Izvođač obuke
Organizator obuke
Mjesto obuke
Država obuke
Početak obuke
Kraj obuke
Broj kredita
Specijalne vještine

Radni odnosi

Institucija
Organizaciona jedinica
Odsjek
Naziv radnog mjesta
Vrsta radnog odnosa
Koeficijent
Status zaposlenog
Početak radnog odnosa
Prestanak radnog odnosa
Osnov prestanka
Osnova dodatka na platu
Procenat
Naknada za prijevoz
Naknada za odvojeni život
Naknada za smještaj
Ostale naknade
Probni rad
Ocjena
Godina za koju se ocjenjuje

Čin

Čin
Broj rješenja
Datum činovanja

Premještaj

Razlog premještaja
Vrsta premještaja
Broj rješenja o premještaju
Datum rješenja za premještaj

Organizaciona jedinica
Naziv radnog mjesta
Početak premještaja
Kraj premještaja

Odsustva

Razlog odsustva
Početak odsustva
Kraj odsustva
Broj rješenja
Datum rješenja
Napomena

Disciplinski postupak

Vrsta disciplinskog postupka
Datum pokretanja postupka
Razlog pokretanja postupka
Vrsta povrede
Suspendzija
Sankcija
Brisanje
Datum početka disciplinske mjere
Datum kraja disciplinske mjere

Nagrade i odlikovanja

Vrsta nagrade
Broj rješenja
Datum rješenja
Napomena

Legitimacije i značke

ID broj legitimacije
ID broj značke
Datum izdavanja
Datum razduživanja
Napomena

Invalidnost

Vrsta invalidnosti
Broj rješenja
Datum rješenja
Postotak invalidnosti
Napomena

Nesreća na radu

Vrsta nesreće na radu
Datum događaja
Opis
Pravo na finansijsku naknadu
Iznos naknade
Napomena

Zaduženje opreme

Vrsta opreme
Serijski broj opreme
Inventurni broj opreme
Datum zaduženja
Datum razduženja

Član 7. (Nadležnost)

- (1) Policijska tijela Bosne i Hercegovine nadležna su na osnovu Zakona o radu u institucijama Bosne i Hercegovine, Zakona o državnoj službi u institucijama Bosne i Hercegovine i Zakona o policijskim službenicima Bosne i Hercegovine da vode, ažuriraju, čuvaju i koriste podatke koji se na njih odnose.
- (2) Agencija za policijsku podršku obrađivat će sljedeće podatke iz određene grupe podataka: sistematizacija radnih mjesta (cjelokupnu grupu podataka), lični podaci (jmb, broj dosijea, radni status, ime, prezime, datum rođenja, mjesto rođenja, općina rođenja, država rođenja, državljanstvo, nacionalnost, spol, mjesto prebivališta, poštanski broj prebivališta, općina, kanton, entitet i država prebivališta, mjesto, poštanski broj, općina, kanton, entitet i država boravišta), staž (raniji efektivni staž, raniji beneficirani staž, posebni staž, koeficient uvećanja, staž u državnim institucijama), obrazovanje (stepen obrazovanja, broj bodova, zvanje, akademska titula i naziv obrazovne ustanove), usavršavanje (strani jezik, stepen poznavanja jezika, stepen poznavanja rada na računaru, položen stručni ispit i položen pravosudni ispit), obuke (naziv obuke, tip obuke, izvođač obuke, organizator obuke, mjesto i država obuke, početak i kraj obuke, broj kredita i specijalne vještine), radni odnosi (institucija, organizaciona jedinica, odsjek, naziv radnog mjesta, vrsta radnog odnosa, koeficient, status zaposlenog, početak radnog odnosa, prestanak radnog odnosa, osnov prestanka, osnova dodatka na platu, procenat, naknada za prijevoz, naknada za odvojeni život, naknada za smještaj, ostale naknade, probni rad, ocjena i godina za koju se ocjenjuje), čin (čin i datum činovanja), premještaj (cjelokupnu grupu podataka), odsustva (vrsta odsustva, razlog odsustva, početak odsustva i kraj odsustva), disciplinski postupak (vrsta disciplinskog postupka, suspenzija i sankcija), nagrade i odlikovanja (vrsta nagrade), invalidnost (vrsta invalidnosti, postotak invalidnosti), nesreća na radu (vrsta nesreće na radu, iznos naknade), zaduženje opreme (vrsta opreme, datum zaduženja, datum razduženja).

- (3) Tehničkim rješenjem omogućit će se svim policijskim tijelima BiH i Agenciji za policijsku podršku da obrađuje samo one podatke koji su u skladu sa svrhom koju će isti obradom podataka ostvarivati.

Član 8. **(Kategorije nosioca podataka)**

Podaci koje će sadržavati centralna evidencija podataka zaposlenih u policijskim tijelima Bosne i Hercegovine odnose se na sljedeće kategorije: imenovana lica, državni službenici, policijski službenici i zaposlenici.

Član 9. **(Izvor i način prikupljanja podataka)**

- (1) Policijsko tijelo Bosne i Hercegovine unosi, ažurira podatke i odgovorno je za tačnost i autentičnost podataka koje unese u centralnu evidenciju podataka zaposlenih u policijskim tijelima BiH, a koji se odnose na zaposlene u tom policijskom tijelu.
- (2) Policijsko tijelo Bosne i Hercegovine prikuplja i obrađuje podatke u skladu sa Zakonom o zaštiti ličnih podataka i podzakonskim aktima koji obrađuju materiju zaštite ličnih podataka.

Član 10. **(Korisnici)**

Podaci koji se vode u centralnoj evidenciji podataka zaposlenih u policijskim tijelima Bosne i Hercegovine mogu se dati na korištenje drugim korisnicima, na osnovu pisanog zahtjeva korisnika, ako je to potrebno radi obavljanja poslova u okviru zakonom utvrđene nadležnosti, ostvarivanja zakonitih interesa korisnika ili ukoliko je to u javnom interesu. Pisani zahtjev mora sadržavati svrhu i pravni osnov korištenja podataka, te vrste ličnih podataka koji se traže.

Član 11. **(Smještaj podataka)**

- (1) Podaci koji će se voditi u centralnoj evidenciji podataka zaposlenih u policijskim tijelima BiH, pohranjuju se u Agenciji za policijsku podršku koja ima posebno opremljene prostorije za smještaj tehničkih sredstava na kojima se pohranjuju podaci.
- (2) Prostorije za smještaj tehničkih sredstava iz stava (1) ovog člana moraju sadržavati mjere zaštite koje garantuju siguran pristup i čuvanje podataka. Agencija za policijsku podršku će stvoriti sve neophodne uslove za smještaj i tehničko održavanje evidencije.
- (3) Fizički pristup tehničkim sredstvima na kojima se pohranjuju podaci imaju samo ovlaštena lica u skladu sa propisom koji će donijeti Agencija za policijsku podršku.

Član 12.
(Tehnička obrada podataka)

- (1) Tehnička obrada podataka podrazumijeva unos i obradu podataka u Centralnu evidenciju podataka zaposlenih u policijskim tijelima BiH koju vrši obrađivač podataka.
- (2) Obrađivač podataka, iz prethodnog stava ovog člana, pri obradi podataka mora se pridržavati Plana sigurnosti.
- (3) Obrađivač podataka ne može svoje odgovornosti prenositi na druge obrađivače bez izričitog odobrenja kontrolora.

Član 13.
(Kvalitet podataka)

Podaci koji se unose u centralnu evidenciju podataka zaposlenih u policijskim tijelima BiH moraju biti:

- a) prikupljeni i obrađeni na zakonit način,
- b) sačuvani u cilju koji je određen i zakonit, te da se koriste na način koji je u skladu s tim ciljem,
- c) adekvatni, relevantni, tačni i blagovremeno ažurirani,
- d) sačuvani u formi koja omogućava identifikaciju nositelja podataka tokom razdoblja potrebnog za ispunjavanje ciljeva zbog kojih se podaci čuvaju.

Član 14.
(Prijenos podataka u inostranstvo)

Podatke iz člana 7. ovog Pravilnika, Agencija za policijsku podršku neće prenositi u inostranstvo, ukoliko drugačije nije uređeno međunarodnim sporazumima čija je potpisnica Bosna i Hercegovina.

Član 15.
(Zaštita podataka)

- (1) Podaci u centralnoj evidenciji podataka zaposlenih u policijskim tijelima BiH moraju biti zaštićeni od neovlaštenog pristupa, prijenosa, brisanja ili uništenja, a što se propisuje Planom sigurnosti.
- (2) Zaštitu podataka osigurava kontrolor Centralne evidencije podataka zaposlenih u policijskim tijelima BiH.

Član 16.
(Pristup podacima)

- (1) Pristup podacima podrazumijeva svaku radnju koja omogućava uvid u podatke bez prava da se ti podaci mijenjaju, prenose, brišu i koriste u nedozvoljene svrhe.

- (2) Pristup podacima se može odbiti ili ograničiti ukoliko se radi o specifičnim podacima u skladu sa Zakonom o zaštiti ličnih podataka i Zakonom o slobodi pristupa informacijama.

Član 17.
(Postupak donošenja Plana sigurnosti)

- (1) Agencija za policijsku podršku donosi Plan sigurnosti, koji sadrži tehničke i organizacione mjere za sigurnost podataka koji se obrađuju u Agenciji za policijsku podršku, u skladu sa Zakonom o zaštiti ličnih podataka i Pravilnikom o načinu čuvanja i posebnim mjerama tehničke zaštite.
- (2) Procjenu adekvatnosti tehničkih i organizacionih mjera zaštite ličnih podataka vrši Stručni tim sačinjen od predstavnika svih policijskih tijela čiji podaci se obrađuju.

Član 18.
(Stupanje na snagu)

Ovaj Pravilnik stupa na snagu osmog dana od dana objavljivanja u “Službenom glasniku BiH”.

Broj: 15-3-02-2-393/11

Datum: 09.08.2011. godine

DIREKTOR

Rahmija Hodžić